
-Organizacioni odbor savjetovanja-

Broj: 66/16
Sarajevo 08.12.2016. godine

Poštovani,

Zadovoljstvo nam je obavijestiti Vas da Udruženje sudija/sudaca u Federaciji BiH, zajedno sa Udruženjem sudija BiH, Udruženjem sudija RS, Centrima za edukaciju sudija i tužilaca u Federaciji BiH i RS, Udruženjem tužilaca BiH, Udruženjem tužitelja/tužilaca FBiH, Udruženjem tužilaca RS, Advokatskim komorama FBiH i RS, te Pravosudnom komisijom Brčko Distrikta BiH, i 2017. godine organiziraju, XVI po redu, Savjetovanje iz krivičnopravne oblasti.

Na prvom sastanku Organizacionog odbora XVI Savjetovanja, koji je održan 05.12.2016. godine u Sarajevu, donesena je odluka da se Savjetovanje održi u periodu od 07. do 10.06.2017. godine u Neumu.

U želji da ovogodišnje savjetovanje detektuje probleme i ponudi odgovore na aktuelna pitanja krivičnog pravosuđa u Bosni i Hercegovini, pozivamo Vas da se uključite u proces definiranja tema ovogodišnjeg savjetovanja i svojim prijedlozima i sugestijama date svoj intelektualni i stručni doprinos sagledavanju i izboru najaktuelnijih pitanja krivičnog pravosuđa danas.

Istovremeno, obavještavamo i pozivamo sve zainteresovane pravne stručnjake da svoja mišljenja, stavove i analize određenih pitanja iz krivičnog pravosuđa u formi teme prijave na e-mail: usfbih@bih.net.ba uz navođenje imena izlagača koji će prezentovati temu.

Prijavu teme i izlagača, kao i dostavljanje Vaših mišljenja i prijedloga, možete izvršiti na gornju e-mail adresu ili putem pošte na adresu: Udruženje sudija/sudaca u Federaciji BiH (za organizacioni odbor Savjetovanja), ul. Valtera Perića br.15, 71000 Sarajevo, **najkasnije do 20.01.2017. godine.**

Zahvaljujemo se na Vašem doprinosu organizaciji ovogodišnjeg savjetovanja i srdačno Vas pozdravljamo.

Predsjednica Organizacionog odbora
Vildana Helić s.r.

